

欽定剿平粵匪方略

欽定剿平粵匪方略卷三百八十 甲子年

六月初一日

庚午

沈葆楨奏言逆賊汪海洋陳炳

汶盤踞陳坊湖坊蔓延火田畝等處五月初三日王德榜派隊接仗殺斃百餘名該逆於初七夜竄向上清宮凍逆留悍黨萬餘於火田畝一帶爲斷後計王開琳當派勇丁約會王德榜分三路而進該逆憑卡死守我軍以劈山礮轟之

一擁而入斃悍逆一百餘名王開琳揮令各營
直前猛擊自督親兵居中策應擒斬甚夥賊乃
大潰我軍追殺七八里又斃賊數百名其分踞
拒子峯盛源洞者初九日竄至距貴溪城十餘
里之南鄉總兵孫昌國抽派水勇會同總兵戴
奉聘及該縣練勇敗之於張家橋十一日又敗
之於五里亭現在鉛山境內一律肅清惟貴溪

之盛源洞等處賊尙未退當飭在防諸軍極力
掃蕩迅殄逆氛

沈葆楨又奏言林政揚一股四月二十六日由
甯化福村回竄石城之豐山該縣知縣曾繼勳
等擊退之該逆仍踞福村僞王宗一股除與侍
逆合隊外餘匪復於五月初五六等日竄近廣
昌東南邊界知縣彭芝派團勇迎擊該逆遂退

入池源山背村中負嶠不出現侍逆大股仍踞
崇仁濂聽等逆則在貴溪之南金盪之北劉典
以贛河盛漲兼有彭玉麟水師可恃王文瑞分
紮永豐樂安西路可無他慮商同江忠朝席寶
田先行圖復崇仁而檄王開琳王德榜會剿濂
逆聽逆探聞鮑超初六日由蕪湖周寬世初十
日由祁門先後拔營雨多路阻月底方可抵江

奏八

上命議政王軍機大臣傳諭曾國藩左宗棠楊岳斌
毛鴻賓沈葆楨徐宗幹郭嵩燾曰汪陳兩逆由陳
坊湖坊竄向上清宮留悍黨萬餘於火田畝一帶
爲斷後計經王德榜王開琳等分路猛擊殲斃悍
逆多名其分踞柵子峯盛源洞者竄至距貴溪城
十餘里之南鄉經孫昌國等疊次擊敗賊尙未退

著沈葆楨督飭防軍竭力掃蕩毋令日肆蔓延現
在侍逆大股仍踞崇仁潦聽等逆則在貴溪之南
金盬之北亟宜及早殄滅楊岳斌日內諒已起程
赴江著卽星夜前進會同沈葆楨督飭江忠朝席
寶田等迅復崇仁並檄王德榜王開琳會合江軍
將潦聽各逆速圖剿滅南豐一城日久尙未攻拔
其剿辦情形亦未據沈葆楨陳奏殊深馳繫南豐

與廣昌宜崇均相毗連若不迅下南豐恐賊氛聯
成一片紛竄旁趨愈難收拾著沈葆楨督飭在事
文武奮力進攻毋再遲延林政揚一股由甯化敗
踞福村僞王宗一股分黨竄近廣昌是福建邊防
愈形喫緊著左宗棠等督飭康國器一軍確探賊
蹤迎頭截擊徐宗幹懷遵疊次諭旨迅催林文察
等飛速內渡合兵會剿並飭在防諸軍嚴扼要隘

甯化石城一帶逼近廣東不可不先事防維著毛
鴻賓郭嵩燾趕緊籌畫豫爲布置昨據曾國藩奏
鮑超已至九江著該大臣嚴催鮑超及周寬世全
軍迅速援江不得再行遲滯

初二日 辛未 富明阿奏言欽奉

諭旨皖北兵力如尙不敷飭喬松年等商撥揚防兵
勇查揚防各營統計一萬數千人分防揚儀天六

四城保護裏下河十餘州縣現當楚豫逆匪急
欲下竄圖救金陵若由巢滁浦六而來則揚防
西路最爲喫重由定遠來安下竄則揚防後路
戒嚴由靈泗竄越則清淮喫重裏下河必爲震
動且裏下河一帶近有南來游兵散勇及新降
人衆結隊成羣恐滋事端臣當派總兵孫文友
前往泰靖裏下河一帶確查彈壓商令總兵吳

全美親督師船駛赴下游梭巡盤詰近日沿江
口岸一帶來有湖廣划船帆檣林立南來遣散
降勇以及難民淆溷不清吳全美等督同總兵
李起高等逐一嚴查內有護照者均經壓令出
境其並無護照來歷不明者搜獲數名訊明正
法惟此項散勇不獨口岸爲叢聚之所卽靖泰
江都泰州各鎮市亦復不少據探江南共遣散

五十三營多有降衆在內均須陸續渡江謀生
當卽咨請李鴻章於裁撤時派員彈壓遣回原
籍以免逗留滋事伏思揚軍遠防天六內顧腹
地目前雖無兵事而防務未可稍鬆若將兵力
遠分設有警報緩急實難應手至陳國瑞一軍
遠駐潁六相離揚防九百餘里實有鞭長莫及
之勢該軍兵力尤形單薄因思潁六與徐宿較

近應由吳棠酌撥姚廣武等軍就近應援並以
清淮之軍爲姚廣武後援以揚防之軍爲清淮
策應聲勢自然聯絡若再加以鎮防餘兵四千
抽赴皖北自必益臻穩固再臣於五月二十六
日率馬步親軍前赴天六儀徵一帶察看地勢
布置一切理合陳明奏入

上命議政王軍機大臣傳諭富明阿吳棠李鴻章喬

松年曰據富明阿奏稱楚豫髮逆下竄揚防各路
均形喫重裏下河一帶游兵散勇結隊成羣防務
未可稍鬆兵力實難遠分等語尙係實在情形陳
國瑞一軍日內諒可行抵臨淮如兵力尙單卽著
吳棠酌撥姚廣武等軍就近援應徐宿一帶未可
空虛卽以清淮防軍爲姚廣武後路聲援揚防之
軍兼爲清淮策應著富明阿吳棠督飭各軍聯絡

布置揚防各路兵勇卽著無庸撥赴皖北喬松年
卽飭在防諸軍密探賊蹤實力堵遏鎮防餘兵四
千已據喬松年奏毋庸撥赴皖北由馮子材等妥
爲遣撤矣陳國瑞到臨後著喬松年仍遵前旨會
商進兵並稟商僧格林沁酌量調度游兵散勇及
新降人衆屬聚裏下河一帶防範不可不嚴著富
明阿飭令孫文友等梭巡盤結以靖地方沿江口

岸亦著一體嚴查無任匪蹤滑瀾江南散勇甚衆多有降衆在內著李鴻章於遣撤時妥爲約束毋任逗留滋事該將軍啟行後水陸各防卽著飭令吳全美等嚴扼要隘毋稍疏懈

初三日

壬申

陝甘總督楊岳斌奏言臣於五月十

四日自皖城下駛十七日抵金陵老營卽於次日派提督彭楚漢羅進賢蔡國祥總兵顏海仙

等四營水師先往江西擇要扼紮以固根本二
十日與浙江撫臣曾國荃籌商金陵之事並將
留下所部水師從新布置以後江而防剿事宜
交提臣黃翼升接辦定於二十七日率楊占鰲
水師一營星夜進發道經安慶再與曾國荃熟
籌進剿機宜卽行兼程上駛奏入

上命議政王軍機大臣傳諭楊岳斌曰該督於五月

二十七日起程取道安慶上駛著卽兼程前進懷
遵前旨會同沈葆楨督飭各軍將崇仁貴溪等處
賊股次第剿除其鮑超一軍前據曾國藩奏已抵
九江將繞出樟樹鎮迎頭遏擊並著該督與鮑超
之軍互相聯絡會同夾擊以期盡殄逆氛

同日德興阿奏言髮逆於五月初八日由尹家
衛全數西趨蔓延鄧蓋一帶當飭金順馬隊會

同撫臣劉蓉步隊追擊均有斬擒穆圖善調回
赴楚之後隊勇營於十二三等日陸續到齊臣
與穆圖善劉蓉仍當督飭官兵嚴密防守奏入
上諭曰此時髮逆雖已西竄省防仍不可稍形鬆懈
隨時與穆圖善劉蓉妥籌辦理

初四日癸酉官文奏言逆賊不得逞志於漢口分

股由東北斜趨臣先飭富森保成大吉楊朝林

石清吉周鳳山陸路各軍或從黃岡麻城迎頭
截擊或山黃陂跟蹤追剿並以梁洪勝五營由
水路速趨黃州兼扼蘄水廣濟趨皖之路連據
探報黃安黃陂之賊分竄麻城之岐亭宋埠黃
岡之紫檀河大股麕聚於李家集辛家沖白塔
河馬鞍山等處捻逆亦分股由黃陂之油柞河
口竄入羅山之仙花地方黃安北路之賊分竄

光山之薊家河晏家河等處均入河南省界尾
隊仍在黃陂黃安五月十四日成大吉石清吉
由黃陂進兵直逼宋埠時新洲逆黨橫出岐亭
前來接應成大吉率步隊迎擊斃賊數十名宋
埠岐亭之賊均向新洲遁去十九日拔營會剿
新洲列隊接仗該逆紛紛敗退我軍追至新洲
河邊沿途斃賊甚夥二十日復向新洲進剿並

分兵進攻辛家沖各營梟水過河勇氣百倍先
後共斃賊千餘名遂將新洲及辛家沖同時攻
克其水師礮船於江河要隘節節布置五月十
一二等日賊股竄至黃岡縣屬之花團鋪等處
經盤石礮礮船飛檣迎擊適李濟清巡防亦至
連環轟擊賊始敗退十五日該逆仍向辛家沖
一帶奔竄各船沿河追剿斃賊二百餘名救出

柴湖等處難民萬餘因水淺不能駛進仍回白
塔河駐紮查擒逆勾合髮逆欲救金陵擒逆志
在擄掠而髮逆之不卽東趨者必探聽皖省下
游信息欲以擒逆於上游節節牽掣得便狂奔
現飭梁洪勝五營繞出賊前扼守蘄水張啟基
所部礮船二十隻駛赴蘄州遏賊下竄一面飛
咨河南安徽各軍豫爲準備並令成大吉等視

賊所向越境窮追冀收夾擊之效臣日內擬卽
進紮黃州督飭水陸各軍節節掃蕩其黃州江
路派有李濟清等礮船聯絡彭玉麟水師江而
似可無慮僧格林沁大軍已駐光州蘇克金巴
揚阿等軍由黃安皆赴豫境以防賊勢北趨迎
頭截擊

同日曾國藩奏言臣於五月間欽遵

諭旨咨請李鴻章督軍會剿金陵之賊現尙未接咨
覆據曾國荃來文神策朝陽兩門外所掘地道
又被城賊從內挖出橫穿數處勇士傷折甚多
金陵城厚且高開花灘之能否收效尙未敢必
惟有飛催李鴻章率師來會一而晝夜環攻一
面嚴斷接濟冀殲數萬堅忍之賊仰慰

九重宵旰之憂至前此奉撥輪船經費一項已據代

理江海關道應寶時先後批解規平銀二十三萬八千兩有奇合庫平銀近二十二萬兩以五萬兩分濟鮑超一軍以四萬兩提解安慶糧臺餘十三萬撥歸金陵大營飢困之際獲此鉅款莫不含哺而頌

皇仁至上游近日軍情賊之竄擾江西者自攻陷宜黃崇仁後並未北窺省會西越贛江逃者頗多

鮑超全隊由湖口渡湖將取道九江瑞州而進
楊岳斌亦抽調水陸十營前赴江西合之鮑超
軍共二萬餘人臣因江西兵力極厚不難盡殄
寇氛改調周寬世一軍令赴皖北以防鄂省東
竄之賊鄂賊現在麻城黃岡之交一搖足卽入
皖境擬令陳國瑞駐紮壽州處淮南江北適中
之地爲廬壽舒六游擊之師仍當防守要區嚴

扼江面俾不得掣動金陵全局均奏入

上命議政王軍機大臣傳諭僧格林沁官文曾國藩
李鴻章張之萬喬松年曰逆匪不得逞志於漢口
分股向東北斜趨官文飭富森保等各軍分投截
擊黃安黃陂之賊分竄麻城之岐亭等處捻逆亦
分股由黃陂之油柞河竄入羅山之仙花地方黃
安北路之賊分竄光山之蘄家河等處成大吉等

現將新洲及辛家沖併力攻克水師礮船在黃岡
縣境勦退賊匪官文擬卽移紮黃州著卽趕緊馳
赴督飭成大吉等馬步水陸各軍認真勦辦將黃
麻一帶逆匪悉數殄除無任蔓延他處蘄水等處
卽責令梁洪勝等實力固守勿任竄突該逆未嘗
一日忘援金陵其停頓不卽東趨必係探聽皖省
下游信息欲以捻逆牽掣上游便可遂其奔突之

計僧格林沁現紮光州蘇克金等皆在豫境著卽飭該員等將光羅各境竄匪迅速剿除並嚴防楚匪東竄皖境張之萬當嚴飭各郡縣慎固封守毋令賊再闖入應如何添兵會剿之處著與僧格林沁會商妥辦皖北之防喬松年須振刷精神豫爲戒備曾國藩現調周寬世一軍移赴皖北並令陳國瑞駐紮壽州著卽飛飭該員等迅速到防勿稍

延誤金陵之賊飛走技窮著曾國藩隨時督同曾國荃相機進剿周歷巡防該處城池雖高且堅但使真能斷其接濟外援不來內賊不出又寬爲收撫脅從播散告示俾令傳入賊中以破其固結之謀不久定能蕝事該大臣等其慎勉圖之以副企望聞匪徒仍有濟賊糧食軍火之事著卽嚴飭水陸各軍實力嚴防李鴻章仍遵前旨俟長興克復

赴援金陵並令劉銘傳等先行馳往助剿諒該撫必不稍有畛域之見也

同日毛鴻賓奏言查臬司張運蘭上年由臣奏派募勇來粵實爲粵中緩急足恃之軍今江皖逆匪上竄又接聞各處探報福建汀州頗爲震動武平一路更覺空虛目下情形以東路爲尤急自應欽遵

諭旨飭令張運蘭卽行馳赴嘉應察探賊蹤所在轉
戰而前惟該臬司所部欠餉已積至四月之久
越境遠征急應籌款清釐臣一面札飭候補道
唐啟蔭前往接防一面札飭軍需局趕緊籌畫
以便交替啟行不至遲延奏入

上諭曰仍著懷遵疊次諭旨迅催張運蘭統率所部
入閩馳赴毗連江西一帶地方將賊股痛加剿洗

毋稍遲延

初六日乙亥喬松年奏冒據報楚中之賊仍在麻

城羅田一帶南及蘄水官文進紮孝感係在賊
之西路若東路再有大兵圍截則賊不至東竄
陳國瑞已到臨淮卽令拔隊駐紮正陽探蹤迎
擊陳飛熊之五百人已到徐州卽日已可抵營
奏八

上命議政王軍機大臣傳諭喬松年曰現在楚中之賊仍在麻城羅田一帶南及蘄水勢將駸駸東犯陳國瑞率師來皖現已到臨卽著該撫會商該總兵妥籌布置陳飛熊已抵徐州並著催令迅速到營以厚兵力

初八日丑丁李鴻章奏言長興一城爲湖州賊所

必爭五月十二日李朝斌帶水師進至城東北

六里之後濠村與陸軍郭松林楊鼎勳劉士奇等互相聯絡節節爲營踞逆僞襄王劉官方貢嶋不出十七十八等日湖州堵輔二逆令僞天將陳逆率二萬人由東南來援廣德四安兩路賊首僞列王江逆等亦率四五萬人由西北來援與城賊相應郭松林等會商分勦二十二日王永勝等軍兩面夾擊槍斃並斬獲數千人遂

將鴻橋跨塘橋沿河傍山賊營踏毀李朝斌水師登陸由磨盤山繞出賊背劉士奇由磨盤山直偪廣德四安援賊各壘江逆驅衆衝出搏戰多時李朝斌率所部由山梁疾趨而下分路抄殺斃賊及溺死者萬人沿山賊壘亦均蹋平二十三日堵輔各逆復由三路添撥大股來犯郭松林等合力痛勦殪賊數千人追殺二十餘里

援賊悉遁各軍定議猛攻長興縣城二十四日
環偏各門營官梁安邦等身先士卒肉薄以登
各營奮勇繼之李朝斌郭松林劉士奇等均受
槍傷仍裹創力戰郭松林率宋德鴻首先登城
將城內悍賊次第撿斬其由西門衝出者李朝
斌設伏殲之遂於二十四日午刻將長興縣城
克復此次水陸諸將攻克堅城殲除殆盡其尤

爲出力之遇缺提奏提督楊鼎勳等可否分別
獎勵陣亡之參將向大鵬等可否請

旨飭部照陣亡例從優議卹其餘出力陣亡員弁容

臣查明彙案奏懇

天恩給予獎卹

李鴻章又奏冒潘鼎新一軍於五月十三日派
唐宏成等在胡漢紮營賊屢來撲均被擊走堵

逆各大股西自喬漚胡漚南自殷瀆村分路直
撲王應海之護軍營王應海出營迎擊腹受槍
傷致被衝破幸聶桂榮等合力援勦水師徐道
奎等礮船亦駛至湖濱立將王應海原營奪回
擒斬黃衣賊目多名當令趙濟川焦宗良派隊
守之潘鼎新因吳淞兵單復添調震澤吳江之
夏金標潘鼎立二營前往會勦十五日趙濟川

等督勇從桑林四面搶入斬馘數百水陸夾擊
遂將胡漚西南賊壘一律踏毀羣賊驚竄二十
四日潘鼎新復督各營水陸夾攻湖濱之賊悉
遁歸中塘織里一帶查湖州逆衆屢次圖犯南
潯吳淞爲分竄蘇浙之計潘鼎新所部人數雖
單屢戰獲勝現已扼紮堅穩當飭會同李朝斌
太湖水師相機防剿連日陣亡之擬保守備把

總陳順昌等均請

飭部照例議卹

李鴻章又奏言臣歷奉會剿金陵之

諭復接曾國藩等咨緘心急如焚極擬剋期就道惟
湖州賊股甚衆附城數十里內面面賊壘堵逆
黃汶金輔逆楊輔青等均係百戰悍賊浙軍僅
能扼東南兩面其西北瀕臨蘇常中隔一湖浙

師勢難兼顧現因湖城未復東自吳江平望西至宜興溧陽數百里間均須分守牽掣兵力甚多長興攻克足扼湖州之吭若郭松林各軍乘勝進趨與潘鼎新李朝斌水陸各營分路並進或可漸冀得手若欲臣會攻金陵復令臣協剿湖州臣力實有不給若令臣棄湖州而赴金陵湖賊或竄蘇境孰與主持調度如僅分兵遠去

少則無濟於事多則各統將資望相等號令不一籌思至再似乏兼全之術頃據郭松林等稟稱現在天氣炎熱洋槍連放三四次卽紅多則炸裂開花礮放至十數次後卽不能著手昨攻長興各項礮具俱已震損亟須回蘇修整以後節交三伏戰事頗難亦係實在情形惟是疊奉嚴旨飭臣軍會攻金陵曾國藩兄弟又屢次檄調事

關大局無論有濟與否必應竭力相助臣擬日
內由太湖馳赴長興前敵察看軍情賊勢相機
調撥仍卽折回蘇城恭候

諭旨酌奪辦理奏入

上命議政王軍機大臣傳諭曾國藩左宗棠李鴻章
曰長興一城爲蘇浙要衝此次援浙各軍竭力攻
克實屬異常奮勉惟長興賊首是否劉官方曾否

殲斃逆衆有無逃竄他處李鴻章擬親赴長興察看著卽前往督飭諸軍搜剿餘匪查明匪首下落覆奏仍將廣德四安之逆首江姓等殲除潘鼎新一軍在胡漚等處獲勝恐其兵力尙單著卽添派勁旅助之務將湖州協力攻克以期蘇浙肅清殄除巨寇其助攻湖州陣亡之擬保守備把總陳順昌擬保千總軍功汪得勝擬保把總六品藍翎孫

彪擬保把總軍功楊德元均著交部照例議卹李
鴻章奏稱疊奉諭旨助攻金陵並疊准曾國藩曾
國荃咨催會商攻剿惟湖州賊股甚衆附城數十
里內面面賊壘浙軍僅能扼東南兩面其西北瀕
臨蘇常湖城未克牽掣兵力不少若會攻金陵復
須協剿湖州兵力實有不給現擬日內由太湖馳
赴長興前敵察看軍情賊勢相機調撥仍卽折回

蘇城候旨酌奪等語所籌亦係實在情形前竄江
皖之賊其勢甚張左宗棠兵力未免爲所牽掣著
李鴻章於到長興後卽督軍助攻湖州嚴飭水陸
諸軍防賊內竄俟湖州克復蘇常無警再行親統
全軍助攻金陵湖州賊多且悍左宗棠務卽督飭
各軍會同李鴻章助剿各軍同心努力約期進攻
期於一鼓攻拔此城爲蘇浙關鍵若且晚克復則

一勞永逸不獨李鴻章可以全力協克金陵卽左
宗棠兵亦可再往皖南江西全局轉移大有把握
卽著左宗棠李鴻章悉心妥籌共奏膚公以慰朝
廷殷盼曾國藩仍卽督令曾國荃就現有兵力認
眞防剿如機有可乘仍督率諸軍奮力圖攻卽或
一時不能得手亦必妥慎嚴防毋令竄突俟合兵
後再圖剋期攻拔以期事出萬全該督撫等均爲

朝廷所倚畀更須勉益加勉和衷共濟有厚望焉
上諭內閣曰此次官軍越境助剿擊退湖州廣德援
賊克復浙江長興縣城實屬異常出力遇缺提奏
提督楊鼎勳著交軍機處存記遇有提督總兵缺
出先行請旨簡放江南提督李朝斌福山鎮總兵
郭松林貴州古州鎮總兵劉士奇江西南贛鎮總
兵王永勝均著交部從優議敘總兵陳忠德著以

提督記名簡放記名總兵周蘭亭宋德鴻成俞卿
均著交軍機處存記遇有總兵缺出儘先提奏總
兵高占彪龔生陽葉廷杓均著賞給二品封典副
將李長樂舒義志均著免補副將以總兵記名簡
放宋甸南著免補副將以總兵遇缺先行提奏于
奇泮著賞給卓勇巴圖魯名號參將張正全著賞
給堅勇巴圖魯名號遊擊劉玉龍著以參將補用

並賞加副將銜都司程祖旺著以遊擊儘先補用
並賞給赫勇巴圖魯名號以示鼓勵陣亡之參將
向大鵬遊擊周金才守備王福興擬保千總劉興
隆均著交部照陣亡例從優議卹其餘出力陣亡
員弁著李鴻章查明彙案奏請獎卹

初十日 己卯 穆圖善劉蓉奏 臣等行抵鄂縣探

悉蔡逆率悍黨踞盤屋屬之店子頭田峪口一

帶僞啟王及鄭馬諸逆分踞樓觀臺黑水峪西
路峪等處其勢漸趨而西臣等飛咨提督曹克
忠迅由岐寶繞赴郿縣攔頭堵截臣劉蓉率湘
果右軍五營臣穆圖善率潼關折回之六營及
副都統金順馬隊二起進紮南集賢邵家村一
帶偪賊而壘五月二十六日臣穆圖善帶回馬
隊馳赴店子頭樓觀臺一路察看賊情遇賊痛

勦餘逆悉潰二十七日我兵分路出隊直抵店
子頭賊壘該逆相持良久倏分三路來撲我軍
亦分三路應之中路總兵楊得勝等先與遇於
平林奮勇接戰金順亦揮兵馳往抄擊斬馘頗
多總兵彭基品所帶中營偏在一隅賊黨環集
薄之臣穆圖善遙見中左兩路之賊悉趨右路
遂督親兵及金順馬隊馳突橫衝賊始大敗奪

路回奔我軍追殺五六里計斃賊千餘名曹克忠於二十六日率所部由鄆縣槐芽鎮進紮盩厔青花鎮二十八日出隊遇騎賊三四百人我軍奮勇前擊殲斃多名首逆僞祿天義宋先富亦被拏獲餘黨向陳家堡一帶竄走是夜該逆由東路出竄曹克忠親督喻正祥等分路前進疾馳追擊至西駱峪新口峪等處又斃賊二百

餘人查該逆聯營三四十里非兩路夾攻無以收聚殲之功臣等函約曹克忠由東路步步爲營緊逼前進比接黃鼎等稟報初一日進紮大坪啟逆部下僞天將葉有光等率所部來營投誠等語蔡逆自二十七日挫敗後退出店子頭老巢移踞樓觀臺一帶臣等現擬移營逼之與曹克忠所部聯絡聲援力圖掃蕩此次陣亡之

總管米方多爾濟遊擊何萬春籲懇

天恩從優賜卹

穆圖善劉蓉又奏言副都統金順忠實無僞樸
勇有謀此次逆蹤竄入腹地該副都統不避艱
險每戰必先其馭軍亦嚴明有法可否將

記名副都統金順

簡放實缺以示鼓勵之處出自

鴻施

劉蓉又奏言查蔡逆自被李雲麟擊敗後游弋
鄖西鎮安交界之大小心川幾及一月臣方期
與李雲麟會師殲諸鎮安境內乃李雲麟以無
糧之故折回興安迫啟逆與蔡逆勾結於四月
二十六七等日由大小心川合竄鎮安蔡逆之
衆本二萬餘人啟逆黨與數亦逾萬中旗鄭逆

等股又近萬人啟鄭兩逆多新裏之衆驍悍之
賊尙少蔡逆死黨實以萬計查穆圖善所部六
營與臣之湘果四營皆素稱精銳彼此僅足相
當非有馬隊衝突實亦難於取勝至臣前據探
報奏稱僞扶王大股竄入鎮安意圖勾結啟逆
經鎮西官軍擊敗竄鄂並聲明此起逆匪究係
何股客俟查明具奏在案現據各路差弁還報

前竄鎮安之賊係各處游匪聚黨成羣假冒扶
逆之名到處擄掠實則並無著名頭目一聞官
軍進剿紛紛竄避再張之萬所奏梁逆遊駛商
境或者尙屬從前情形抑係此次傳聞之誤均
未可定奏入

上命議政王軍機大臣傳諭穆圖善劉蓉李雲麟曰
蔡逆與啟逆等漸趨而西經穆圖善等飛咨曹克

忠各軍分路環擊曹克忠復率所部由鄱縣槐芽鎮追擊敗賊於西駱峪新口峪等處雖疊次獲勝而該逆糾集悍黨蔓延三四十里現在蔡逆移踞樓觀臺一帶穆圖善等已移營進逼並令曹克忠由東路前進卽著聯絡聲勢兩路夾攻以期一鼓殲除敢逆僞將葉有光等率部投誠賊勢並未大衰難保非別有詭謀著飭黃鼎等斟酌辦理不可

墮其術中陣亡之總管米方多爾濟遊擊何萬春
均著交部從優議卹扶啟各逆前竄鎮安劉蓉奏
稱係據探報入告實未探明何股軍營偵探爲第
一要務劉蓉何得一聞賊警不加詳察率行入告
著再詳細查明據實具奏李雲麟以無糧之故折
回興安致該逆由大峪口任意出竄種種取巧貽
誤殊出情理之外現在蔡逆與啟鄭各逆已麕聚

一處著穆圖善劉蓉督飭所部會同李雲麟合力
兜擒盡殲醜類儻堵剿不力致令出竄必惟穆圖
善劉蓉李雲麟是問記名副都統金順著交軍機
處存記遇有副都統缺出卽請簡放

同日張之萬奏言髮逆大股盤踞黃州黃安等
處意圖東走皖疆南窺江表其竄踞光山新集
之賊衆約數萬攻破曾家寨孟家寨又分股圍

攻連康寨意在破寨踞守當飭副將徐連陞遊
擊李大成等馳赴光山會勦新集之賊我軍出
賊不意殺斃甚夥賊衆逃竄又追斬多名五月
十五日徐連陞馳扼光山之潑陂河寨督率各
營前進奮力衝殺將鄭店四面山寨同時收復
其時小河司踞賊竄至倉子埠紫檀河柳子港
新洲團風一帶餘匪仍踞宋埠另股竄至白杲

沙家廟而前此宣化鎮賊匪已竄至湖北黃安縣之七里坪其頭二兩起逆股均趨黃州賊蹤徧地臣嚴催色爾固善善慶張曜宋慶等馬步兵勇星速前進於二十一二十二兩日先後馳到遂解連康寨之圍直扼潑陂河與徐連陞會合相機進剿新集之賊偵知大兵雲集連夜南奔悉向黃安黃岡一帶竄去該匪避兵遠颺疾

趨入楚我軍惟有出境窮追會同楚師合力殲
勦臣前派徐連陞色爾固善張曜三軍親加察
看尙屬精銳已飭就近聽候僧格林沁調度此
時馬步官軍盡在東路儻會合楚軍勦辦得手
可期就此殲除設該匪被擊竄突則商城固始
光山羅山等處防不勝防雖僧格林沁駐紮光
州而該處皆稻田水溝恐非馬隊所能施展惟

有於赴楚各隊內抽調一軍令先駐紮光固一
帶防賊回竄以固豫南門戶已函商僧格林沁
辦理至僞啟王一股前結蔡逆竄至洵陽滋擾
後分股仍竄米糧川孝義廳一帶該逆趨向靡
定是荆子關一路又關緊要該處僅有張士元
兩營駐紮防守兵力太單尤當顧及臣卽遵

旨駐守南陽與僧格林沁遇事籌商以期無誤事機

奏八

上命議政王軍機大臣傳諭僧格林沁官文張之萬
曰髮逆竄擾光山等處經副將徐連陞等督率兵
勇分投剿洗該匪悉向黃安黃岡一帶竄去張之
萬現派徐連陞色爾固善張曜等軍盡赴東路聽
候僧格林沁調遣卽著僧格林沁嚴飭各軍出境
追躡會合楚師兩面夾擊務將此股巨匪悉數殄

除黃州徧地賊蹤官文務當嚴飭各營實力迎剿
痛埽狂氛豫軍追賊入楚豫南門戶空虛張之萬
現擬於赴楚各隊內抽調一軍駐紮光固防賊回
竄所籌尙是卽著該撫函商僧格林沁斟酌妥辦
啟逆等股趨向靡定荆子關一路防守甚關緊要
張之萬現駐南陽當督飭張士元等營力

毋稍疏懈

欽定勦平粵匪方略卷三百八十一 甲子年

六月十三日

壬午

馮子材魁玉奏言接旨

松年函覆臨淮餉項奇絀鎮營兵勇四千人無
須派往自應遵

旨裁撤查鎮江一軍共計一萬一千餘名此項將士
多隨向榮由廣西至江南從征十餘年轉戰數
千里且大半籍隸楚粵川黔無不久戍思歸連

日分投挑選擇其尤爲精銳者量留十四營分
戍鎮江丹陽金壇三城其餘四千名分起資撤
應給口糧川費由糧臺籌款散放至各該營統
帶分帶官弁副將向心照等六十三員旣無差
使可委相應仰懇

天恩准其凱撤卽令管帶各起撤勇回營回籍庶不
至滋生事端奏入

上諭曰卽飭令向心照等妥爲管帶分別遣撤回營
回籍

十五日甲申官文奏言官軍攻克新洲辛家冲後

敗賊回竄麻城五月二十日成大吉會同富森
保石清吉各率馬步進擊該逆於舊街柳林等
處盤踞橫亙百餘里成大吉等一面趕築牆壘
一面以馬步誘擊二十二日副將蕭翊都司李

墳典乘夜潛攻柳林街踞匪臣督親兵應援並
知會石清吉進攻舊街富森保及霆左霆右兩
營馬隊相輔進擊各軍繞出柳林街賊館後先
將守卡之賊悉數斬殺分兩路直入街內斃賊
殆盡時舊街會龍山等處之賊得信來援均爲
我軍阻截仍復折回二十五日成大吉會商富
森保石清吉等仍於柳林舊街居中之地乘勝

進剿見賊卽殺再戰再厲辛家冲柳林等處之賊我軍追殺四十餘里馬隊殺至會龍山一帶舊街等處之賊我軍追殺三十餘里馬隊殺至馬鞍山一帶賊勢已衰二十八九等日偵知髮逆僞輔王陳得才大股盤踞麻城白杲沙河等處成大吉卽知會富森保石清吉相機穩進自率所部向白杲一帶進攻行抵紅石岡該逆馬

步二千餘分路來拒成大吉直前衝殺斃賊百餘名次日黎明分三路前進距白杲十餘里賊逆死黨數千趨擁而來四面包圍成大吉令各營開放劈山礮立斃黃衣賊目多名殺賊百餘名餘逆敗回白杲沿江湖汊各要隘均經臣派有水師礮船節節堵扼其姜玉順蕭河清藍斯明等軍五月二十三及二十六等日先後行

抵樊城尙須略爲休養整齊器械方克成行臣
已飭令遣撤疲弱酌留精壯由隨棗小河溪一
路徑赴黃州麻城會合成大吉等軍爲聚殲之
計所有楚軍各營亦經臣實力整頓惟麻城賊
氛四逼城中無糧情形危急雖飭周鳳山楊朝
林就近馳援尙未解圍幸僧格林沁移紮光山
蘇克金等馬隊已至光山麻城之交臣當卽函

商如橫山與楚軍合勦當易得手至蘄水地處黃岡之下臣先派梁洪勝五營繞出賊前紮營雲路口遏賊趨皖之路二十八日梁洪勝密派副將傅得勝等帶隊伏於賊館之後令各營登山施放槍礮該逆倉猝驚愕四散奔逃伏兵追擊斃賊十餘名因兵力太單仍令穩紮固守俟上游大兵下壓再行合擊奏入

上命議政王軍機大臣傳諭僧格林沁官文曰逆股
趨集黃麻一帶復糾衆回竄盤踞柳林舊街等處
經成大吉石清吉等軍分路剿擊將辛家冲柳林
舊街之賊追殺數十里疊有斬馘惟陳得才大股
尙踞麻城白果沙河等處麻城之圍未解亟宜併
力掃蕩著官文飭令成大吉石清吉等營迅將白
果等處之賊痛加剿洗麻城城中無糧甚形危急

周鳳山楊朝林等援軍並飭催令迅解城圍不得
稍有疏失前據張之萬奏豫省光山等處之賊已
竄黃安黃岡一帶是豫邊情形稍鬆僧格林沁現
紮光山蘇克金等馬隊已在光麻之交若與楚軍
會剿自更得手著僧格林沁卽飭蘇克金等聯絡
夾擊並遵前旨飭張曜色爾固善等軍出境追躡
與鄂軍四面兜圍盡殲醜類第賊勢注意東趨漸

水之雲路口已有梁洪勝五營繞前扼截該逆不能逞志恐其由麻城直趨皖境僧格林沁官文尤當分飭各軍一面迎頭攔截毋得徒事尾追致賊蹤蔓及皖境其姜玉順蕭河清藍斯明等軍已抵樊城鄂省兵力不爲不厚卽著催令徑赴黃州麻城一帶會同成大吉等併力進取以資厚集官文俟遣撤勇丁整頓營務辦有眉目卽遵前旨移紮

黃州以資調度

同日楊岳斌奏言賊勢併注江西撫建一帶皖南徽甯等郡尚無賊蹤臣現擬徑赴南昌省城與撫臣沈葆楨妥爲布置再行馳赴東路親履行陳如首郡之豐城進賢撫郡之宜崇金谿建郡之盭溪南豐臣必擇賊勢最厚之處躬率諸將竭方攻勦以圖報稱至於湖州廣德未經克

復恐賊仍蹈前轍接踵入江臣到江西後覈計
兵力通盤籌畫再當兼顧皖南以防湖州續竄
之賊奏入

上命議政王軍機大臣傳諭楊岳斌沈葆楨曰賊勢
併注江西撫建一帶皖南徽甯等郡尙無賊蹤楊
岳斌現擬徑赴南昌布置再行馳赴東路擇賊勢
最厚之處躬率諸將竭力攻剿俟到江後覈計兵

力通盤籌畫再當兼顧皖南所籌甚是現在皖南
無警自當先其所急力爭上游著該督卽行前赴
江西省城會同沈葆楨妥商先將省城防務布置
周密隨時偵探賊蹤於賊勢最重之區督率諸軍
奮力勦洗一經得手自不難迎刃而解並須兼顧
皖南毋任湖州廣德之賊續行上竄該督撫務當
和衷商辦迅殄賊氛以副委任

十七日

丙戌

富明阿奏

臣

於五月二十六日行

抵儀徵由六合前赴天長沿途察看情形惟儀
徵城垣傾圯居民遷徙多於泗源溝一帶棲止
查泗溝地當水陸要衝商販均集人煙稠密奸
宄易於潛跡自宜嚴密稽查臣已飭參將劉福
興將派防勇丁分紮五營聯爲一氣以資防範
所有派防天六官兵已飭總兵安勇於六合河

南堵橋口設立一營東門外泰山墩設立一營
餘皆分布城上嚴密巡防並囑提督劉成元在
天長縣將修城濬河各事宜認真辦理卽於揚
營抽撥大小礮位十二尊擇要安設各防互相
絡聯似可無虞奏入

上諭曰儀徵天六一帶布置均屬周妥仍當督飭文
武各員嚴加防範毋稍疏懈

十八日丁亥沈葆楨奏冒席寶田江忠朝兩軍於

五月二十日進逼崇仁侍逆率死黨於城北抗拒兩軍悉銳擊之乃遁入城二十四五等日江忠朝席寶田各營進紮距城四里屢挑該逆不出二十七日侍逆復率二萬餘衆以兩枝牽掣精毅營以兩枝從左路猛攻精捷營新左前鋒兩營王政坤黃仁遺等憑壘堅守江忠朝飭李

祥松等分路迎勦席寶田飭邊曉堂等依壘列陣李祥松鄭喬隆衝入賊隊江上喜鄧善富由後抄出徐士貴捲旗急趨直搗中堅遂解新左營之圍江上喜復率新左營橫抄徐士貴匹馬衝鋒中傷而殞各勇繼之立解前鋒營之圍徐生德李榮發與右路之賊鏖戰逾時適羅章才等馳至督隊猛轟賊匪死亡相繼勢遂披靡侍

逆親督大隊衝來蘇元章率隊斜出席寶田督
成定康等衝入弁兵多受重傷刀矛相接絕不
回顧蘇元章擊斃騎馬賊酋羣賊氣奪紛紛敗
遁退踞附城卡內此次陣亡之擬保副將徐士
貴等應請

飭部分別議卹以慰忠魂

沈葆楨又奏旨查劉典過臨江爲官民所留遂

駐兵臨郡臣改調萬泰來省合計額兵餘丁三千餘人臣因根本重地守備尙單未便出省督戰現在劉典進紮樂安之司背墟王文瑞進紮樂安之太平墟皆偏近崇仁已在贛河之東二百餘里其江席兩軍已偏城而營日內提督鮑超亦繞赴瑞臨進規崇仁以取迎勦之勢贛西似可無慮

沈葆楨又奏言上清宮之賊大股竄入金谿黃
通山至於許灣又分股從瀘溪繞至新城界上
二十二日道員王沐帶隊千六百人行距許灣
四五里濶逆擁二萬餘衆分伏各村我軍猛進
遂入伏中該逆蠶擁而至王沐揮令將士連轟
槍礮該逆愈聚愈衆參將劉志友等力竭死之
各勇乘勢衝出且戰且退劉千潯派熊得勝等

馳至合力抵禦斃先鋒悍賊數名賊乃退其僞
王宗李逆餘黨盤踞廣昌之池源山五月十一
日巡檢胡誠志等擊之該逆竄至蘇溪十三日
知縣彭芝又敗之於池源林怔場一股踞甯化
之福村十五日石城縣知縣曾繼勳乘夜攻之
斬馘七名該逆遂相率不敢戰此次道員王沐
失挫實因衆寡不敵所致仰懇

天恩逾格准予寬免處分以觀後效陣亡之參將劉志友等力戰捐軀殊堪憫惻應請

飭部從優議卹以慰忠魂

沈葆楨又奏言接奉

諭旨飭查南豐城池未能卽復是否後隊不克繼進等因臣當卽欽遵查辦茲據臬司席寶田稟稱南豐城堅賊衆四月初七日帶兵移紮百花亭

當以韓營勢孤恐賊來犯初八日派隊馳伏韓營之左賊果傾巢而來兩軍齊起殺賊進逼城根楊明發等中槍殞命各勇猶奮不顧身盡力轟擊城上槍礮如雨又被傷亡數十人以致未能得手並非後隊不繼惟身膺統領勦賊無功請從嚴叅辦等情臣查南豐之圍席寶田爲各營領袖未能速復城池不無應得之咎相應請

旨將該臬司暫行革職責令立功自贖至臣濫膺疆
寄調度乖方厥咎尤重相應請

旨將臣從重治罪以昭炯戒奏入

上命議政王軍機大臣傳諭楊岳斌沈葆楨曰逆衆
屬聚江西占踞崇仁等城意圖久踞經江忠朝席
寶田兩軍會剿崇仁獲勝勦辦尙屬出力自應乘
勝進剿穩慎圖功楊岳斌計已行抵江西省城卽

著會同沈葆楨督飭江忠朝席寶田各軍實力攻
擊迅復崇仁並將宜黃南豐等處之賊以次殄滅
毋稍鬆懈現在劉典進紮樂安之弓背墟王文瑞
進紮樂安之太平墟皆偏近崇仁鮑超亦擬繞赴
瑞臨進規崇仁以取迎剿之勢並著檄令各該軍
會合江忠朝等所部併力進剿盡殄賊氛陣亡之
擬保副將徐士貴署照副將陣亡例議卹擬保遊

擊葉時成首成喜均著照遊擊陣亡例議卹遊擊
雷昌年守備黎祖魁鄧在佐顏昌順千總朱得英
曹啟發把總馬青祥外委唐必華文得升歐文盛
著一併交部從優議卹上清宮之賊紛竄金谿之
許灣一帶道員王沐帶兵進攻中伏失利固屬咎
無可辭惟念其平日打仗尙稱勇往此次蹉跌實
因衆寡不敵所致應得處分著准予寬免以觀後

效陣亡之參將劉志友都司方桂蘭守備尹秀南
劉長勝千總邱喜柏沈發堂把總黃國順趙清賢
萬桂齋吳禮發潘玉成外委孟得勝鍾細帆王桂
林何得勝李萬勝馮雲輝張得標楊宗發陳得勝
龍茂勝劉禎祥均著交部從優議卹此時許濤之
賊雖經劉于濤等擊敗而僞王宗李逆餘黨及林
旺揚等復山廣昌甯化等處下竄與南豐賊合侍

逆分黨東窺撫州經總兵胡占魁等擊退仍踞河西金谿之賊復分踞東鄉各村是東路賊氛正熾楊岳斌沈葆楨當督飭王德榜王開琳及周寬世等軍視賊匪最多之處猛力進攻次第掃蕩毋令蔓延席寶田圍攻南豐日久未下本有應得之咎惟該員因兵分力單未能得手尚非攻勦不力沈葆楨請將席寶田暫行革職之處著加恩寬免並

著該撫傳知席寶田感激愧奮以贖前愆沈葆楨
自請從重治罪之處著一併寬免

沈葆楨又奏冒貴溪盛源洞等處之賊分踞小
港一帶五月十三日夜間孫昌國派隊赴黃土
墩誘敵另調水陸各勇由上坊渡過河至陳家
嶺仙人橋乘虛撲卡擒斬甚多黃土墩之賊亦
潰十八日孫昌國親督礮船由小港駛抵坡岡

適陸師由石前挂榜山衝至會合搜殺賊退丁
家橋二十日盛源洞之賊於樟槎袁家壩趕造
浮橋孫昌國等各統所部分路而進斬賊尾隊
數百人賊退鷹潭二十一日孫昌國又赴鷹潭
擊之王德榜進紮安仁二十二日飭蕭得龍等
攻羅田李運勝等攻岡上鍾元興等搜殺各村
賊館該逆彼此不能相顧各營乘勢掩殺王德

榜親統各營會合王德權等由安仁南渡分三路進剿適鄧家埠踞逆搭造浮橋陸續奔竄見我軍至紛紛搶渡淹斃無數未渡之賊經王德權等三面環攻及孫昌國水師轟擊共斃五百餘名貴溪賊壘一律肅清所有尤爲出力之總兵孫昌國等謹先行開列懇請

恩施其餘出力員弁勇丁可否容臣擇尤彙獎出自

鴻施奏八

上諭內閣曰此次水陸官軍掃清貴溪賊壘所有出力之總兵孫昌國著交軍機處記名遇有提督缺出請旨簡放丁憂吉安府知府周溯賢著俟服闋後以道員仍歸江西補用知府王德權著以道員仍留江西儘先補用其餘出力員弁勇丁著准其擇尤保奏

同日暫署湖北巡撫候補布政使唐訓方奏言
髮逆東竄黃岡黃安麻城各縣經楚軍進剿獲
勝當不至回竄腹地所可慮者鄂省南岸如興
國通山各州縣皆與江西毗連賊蹤飄忽靡常
由江西之義甯武甯而至鄂省皆臣從前轉戰
之地門戶洞開既無江河之可恃山徑歧雜又
覺險要之太多臣於五月十九日親赴潯口大

營與督臣悉心籌畫卽於二十日旋省現在提督李成謀於裁撤各營內汰弱留強另立謀勝一軍專顧省防辦理漸已就緒如果南岸有警再當會商督臣添調北岸之軍渡江會剿奏入上諭曰據奏籌辦省防仍著隨時稟商官文妥慎辦理不可因賊蹤漸遠稍涉鬆懈

十九日

戊子

吳棠奏言前准富明阿咨稱裏下河

一帶有游兵散勇及焦湖船隻到處停泊臣當
派守備李清標帶領礮船馳往各處分路嚴查
彈壓比來尙稱安靖徐宿一帶前經姚廣武擇
要設防近因陳國瑞赴皖徐宿祇賴姚廣武一
軍而地當東皖豫三省之交更值楚北逆氛時
圖東竄該處最關緊要惟有督飭姚廣武就現
有兵力加意巡防勢難令其援皖其皖北應防

之處除天六滁州已由富明阿及臣派隊外其餘各處均有防兵駐守至臨淮既有大隊陳國瑞又前赴正陽就刻下兵力而論似尙足敷調遣奏入

上諭曰姚廣武著准其暫留徐宿駐紮惟陳國瑞後路有無援應該漕督仍須隨時酌量移調毋致顧此失彼

二十日 已曾國藩奏旨欽奉

諭旨飭令李鴻章俟長興得手後統率諸軍助攻金陵一節 臣接李鴻章來咨教練礮隊尙需時日又以湖州賊衆逼近蘇常會攻金陵卽不能協剿湖州又謂天氣炎熱洋槍連放卽紅多則炸裂開花礮放至十數出卽不能著手等語查李鴻章平日任事最勇進兵最速此次會攻金陵稍

涉遲滯蓋絕無世俗避嫌之意殆有讓功之心
而不欲居其名惟所稱全力助攻金陵卽難協
勦湖州係屬實在情形臣亦未便再三瀆催轉
瞬新秋暑退該撫必可督兵親來屆時湖郡或
已先下無復浙賊犯蘇之慮亦無槍礮紅裂之
患矣

諭旨詢及匪徒仍有偷濟賊中糧食軍火之事飭卽

實力嚴防一節查金陵自二月合圍以來陸路晝
夜搜查據報已粒米不能入城水路百計防範
終難絕淨至四月底始定民船三日放開一次
均派礮船護送除放開有期外不准一船來往
臣頃而詢楊岳斌據稱五月以來濱江奸匪暗
齎賊糧者實已絕蹤然水陸六百七十里臣何
敢信其一無疏漏惟當諄飭各營加意嚴防

所轄無兵接防臣又咨請李鴻章於新克長興
各軍中分兵往守建平騰出李榕六營馳赴桐
城並調李世忠舊部陳自明四營由池州馳紮
廬江未知能否速到至周寬世一軍已抵南昌
該省官紳合詞請留又不得不先其所急令赴
進賢防剿目下不能遽回皖北

諭旨飭臣俟上游軍勢漸平卽赴金陵督師一節查

賊之由鄂趨皖意在掣動金陵全局果能扼守
皖境卽所以協助金陵目下惟有催集防軍設
法堵遏俟皖北稍安李鴻章回剿有期卽當馳
赴金陵商辦一切奏入

上命議政王軍機大臣傳諭僧格林沁官文曾國藩
李鴻章喬松年曰李鴻章前奏俟湖州克復再行
親赴金陵著李鴻章仍遵前旨會合浙軍共克湖

州轉瞬蘇浙肅清礮隊練齊自當親督各軍前赴金陵翦除首惡辦賊之要首在斷其接濟曾國藩務須督飭曾國荃嚴飭水陸諸軍晝夜密防儻有暗中偷濟賊糧之事開礮痛擊勿稍懈怠忽官文等前奏賊在黃麻一帶回竄盤踞柳林舊街等處未冒東竄英山本日據曾國藩奏賊由麻城黃岡羅田等縣竄入英山境內現令王可陞一軍移防無

爲州並咨李鴻章於新克長興各軍中分兵防守
建平騰出李榕六營馳赴桐城並調李世忠舊部
陳自明四營由池州馳紮廬江均屬妥協著催令
各軍趕緊到防毋任賊氛蔓延爲患周寬世已到
南昌卽檄令赴進賢防剿無庸遽回皖北僧格林
沁前奏駐紮光山一帶如賊蹤有東竄之信諒已
督軍追剿著督令蘇克金等認真躡剿喬松年身

任皖撫責無旁貸前調陳國瑞等軍均已到防卽
飭迎頭截剿儻任其深入蹂躪定惟該撫是問英
霍去安慶不遠此時楚賊下犯恐掣金陵全局果
能扼守皖疆自於金陵大有裨益曾國藩俟賊氛
漸熄皖屬無憂再行約會李鴻章同赴金陵以期
膚公迅奏

二十一日

庚寅

彭玉麟楊岳斌曾國荃奏

臣國

荃合圍金陵於五月三十日攻克太平門外之
僞地堡城六月初一日起令各營逼近城根輪
流猛攻總兵陳萬勝王紹義郭鵬程等死之弁
勇傷亡極多提督蕭孚泗候補道黃潤昌及各
營官弁益切憤怒遂於龍膊子山麓修築礮臺
日夜轟擊一面多用溼蘆土囊填龍膊子高與
城齊一面令總兵李臣典吳宗國何玉貴楊喜

貴從山麓距城十數丈開挖地道剋日限抵城
根而蕭孚泗張詩日蕭慶衍羅逢元臬司劉連
捷道員彭毓橘連日攻之益力不收隊者半月
礮斃賊首僞王甚多十四日朱南桂朱惟堂轟
神策門地道盡去其月城而大城屹立仍未能
克士卒死傷尤衆十五日李臣典地道告成十
六日午刻發火衝開二十餘丈當經朱洪章劉

連捷伍維壽張詩日熊登武陳壽武蕭孚泗彭
毓橘蕭慶衍率各營大隊從倒口搶入城內悍
賊數千死護倒口排列逆衆數萬捨命抗拒經
朱洪章劉連捷伍維壽從中路大呼衝殺奮不
顧身鏖戰三時之久賊乃大潰劉連捷張詩日
由右路循城包抄槍紮各門適朱南桂梁美材
從神策門月城梯攻而入會合據定城北一帶

彭毓橘蕭孚泗蕭慶衍武明良由左路循城包抄立奪朝陽洪武通濟等門適羅逢元趙三元易良虎陳湜彭椿年從南門旁舊倒口處梯攻而入會合據定城南一帶中關攔江礮石壘亦經提督黃翼升總兵許雲發率水師各營攻入臣國荃至太平門倒口進登龍廣山督陣見攻克省城之大勢已定遂趕回老營將大略情形

一面具報一面飭官軍環城內外紮定兼扼各路要隘計自十六日午時起至日暮殲斃悍賊數萬攻毀僞府數十處惟首逆洪酋等所居築有僞城甚大死黨不下萬人經官軍四面環攻尙未破入大約一二日內卽能勦洗淨盡其老幼婦女甚多臣國荃傳令各營一概釋放以普皇仁其詳細戰狀各逆會下落及應獎應卹人員查

明咨請督臣曾國藩具奏奏入

上命議政王軍機大臣傳諭曾國藩富明阿左宗棠
楊岳斌彭玉麟曾國荃李鴻章馮子材魁玉曰逆
首洪秀泉等以數十萬逆衆久踞金陵曾國荃等
督兵圍攻所部不滿五萬兩載以來將城外賊壘
悉數掃蕩茲復於炎風烈日之下傷亡枕藉之餘
併力猛攻克拔堅城非曾國藩調度有方曾國荃

及各將士踴躍用命不能建此奇勳披覽之餘曷
勝欣慰此次立功諸臣俟將僞城攻破巨憖就擒
卽行渥沛恩施同膺懋賞現在悍衆萬餘力守僞
城困獸猶鬪難保不拌死竄突曾國藩彭玉麟曾
國荃務當督飭水陸官軍乘勝進攻尤當於勇往
之中加以慎重不可稍涉大意其洪秀泉及著名
巨酋必須悉數擒獲毋使乘間免脫致稽顯戮此

外被脅難民仍著妥爲撫恤設法安插以示寬大
之仁此次應獎應卹人員著曾國藩查明具奏日
來深盼續到捷報如金陵餘賊掃除淨盡卽著由
曾國荃先行馳奏金陵城大兵單敗殘餘匪難保
不四出奔竄高溧丹句一帶與金陵處處毗連李
鴻章當嚴飭在防各軍實力扼剿遇賊卽擊馮子
材魁玉飭令陶茂森等軍聯絡聲勢一體截剿總

期盡絕根株富明阿督飭揚防諸軍嚴扼沿江各
口勿令乘閒偷渡金陵巢穴已覆其餘各路逆匪
自必聞風喪膽著左宗棠派兵嚴扼皖南遏賊上
竄之路江西援兵雲集楊岳斌計已行抵南昌卽
著督率水陸各營迅將江右逆氛掃蕩兼杜皖南
竄賊俾東南數省咸就肅清登吾民於衽席有厚
望焉

上諭內閣曰楊岳斌彭玉麟曾國荃馳奏官軍克復金陵外城大概情形粵逆久踞金陵經楊岳斌彭玉麟曾國荃督軍圍攻城大而堅賊衆且悍五月三十日曾國荃督飭各將士攻克太平門外之偽地堡城六月初一等日各營逼近城根輪流猛攻總兵陳萬勝等死之提督蕭孚泗等於龍膊子山麓修築礮臺架礮轟擊總兵李臣典等從山麓距

城十數丈開挖地道蕭孚泗等進攻益力半月以來礮斃賊酋僞王甚多十四日朱南桂等轟開神策門地道毀其月城而大城屹立未動十六日午刻地道火發衝開二十餘丈朱洪章等率各營大隊從倒口搶入城內悍賊數萬死護倒口捨命抗拒經朱洪章等奮勇血戰從中路進劉連捷等搶紮各門由右路進朱南桂梁美材從神策門月城

梯攻而入守定城北一帶彭毓橘等立奪朝陽洪
武通濟等門羅逢元等從南門旁舊倒口梯攻而
入守定城南一帶中關攔江礮石壘亦經黃翼升
許雲發率水師各營攻入曾國荃由太平門倒口
進登龍廣山督陣諸將士倍加奮勇十盪十決縱
橫鏖戰賊衆大潰自十六日午時起至日暮殲斃
悍賊數萬攻毀各僞府數十處惟逆首僞城未破

死黨萬餘跽伏不出官軍四面圍攻釜底游魂諒
雖久稽顯戮仍著曾國荃等嚴飭各軍力拔僞城
殲擒巨逆以伸天討而快人心此次立功諸臣俟
會國藩將詳細戰狀奏到時卽行渥沛恩施同膺
懋賞